

Cun caddos, cun boes e trattore  
Arada su massaiu a mesu mundu  
No ha cadrigas chi arad'a fundu  
Cun tantu entusiasmu e cun ardore.  
L'etada e <sup>lu</sup> trabaglia a premore  
Chessi su sannigone russu e brundu  
Lu còncimada a bere e no pro finta  
E lu messada cand'est a canna piata.

Preparad beraniles e balytu  
Cun bedustu de fae e de asolu  
Arat cun zente anzena e arat solu  
Sempre cuntifizzosu andat in fattu  
Battacat in campagna ad'ogni rattu  
Pro n'aer isse et atteros consolu  
E poi chi ha finidu n'este a bolu  
Cuntu e su trabaghiu ch'isse ha fattu.  
In d'ogni nazione isse ha aradu  
E ha fattu fruttare sa campagna  
Cun sa fadica e cun s'intelligenza.  
Faghet a sas tempestas resistenzia  
Sincontred in su campu o in montagna  
Ca isse est sa muraglia de s'istadu.

Sempre e bistadu male prozedidu  
Essende de sa vida su più bellu  
Sempre in affannos penas e flagellu  
No rispettadu l'han ne favoridu.  
Ca invece de l'aer assistidu  
L'ana tancadu in murre su cancellu  
E comente istraxzu de masellu  
In s'oru de s' a idda l'han fruadidu.

Isse non d'ada asciadu mai rancu  
Ch'istad comente unu dimandone  
Avvilidu e non b'essit a piatta.  
Istad fina cun s'alva chena fatta  
Cun sos trastes de dossu a pellingone  
Si sos bottes ligades a giuncu.

Pro isse ogni cosa est sempre varia  
Pro l'aggiunghere penas e turmentos  
Li sua tottu contrarios sos bentos  
Cando isettad sa frina nezzessaria  
Ca una non b'indada umanitaria  
Pro passare felice sos momentos  
Sempre aggravadu e tantos pagamenti  
A parte d'ogni annada ch'est contraria.  
Trabagliad dia e notte ogni stagione  
Su terrinu bagnendelu a suore  
Cun tantu contivizzu a s'isfunada.  
Como da ghi as sa terra preparada  
Non bei bonzas neunu laore  
Piantas de cipressu bei pone.

Mores, li 12 settembre 1957.

Casu Ezio.